

三才圖會

三才圖會

雲間元翰父王圻編集

男思義校正

人物十二卷

高麗國

女真國

暹羅國

匈奴

占城國

盤瓠

交趾

老撾國

賓童龍國

真臘國

三才圖會 人物十二卷

瓜哇國

三佛齊國

佛囉安國

回鶻

于闐國

大食勿拔國

大食彌瑟羅國

天竺國

沙彌茶國

木蘭皮國

烏衣國

女人國

大闍婆國

麻離拔國

狗國

孝臆國

東印度國

大食國

訶陵國

默伽國

晏陀蠻國

勿斯里國

大食勿斯離國

南尼華羅國

焉耆國

高麗國



高麗國古名鮮卑周名朝鮮武王封箕子於其國中國之
禮樂詩書醫藥卜筮皆流于此衙門官制衣服悉隨中國
各朝制度俗尚儒仁柔惡殺刑無慘酷但禮貌與中國有
差如見王親貴戚則扯喙跪牒在地如小見大則蹲身俛
首爲禮如中國人見賊寇不敢仰視之類此夷狄之風俗
習以爲常焉地不產良馬白石可作燈具黑麻可織夏布
其國治東西二千里南北千五百里王居開州號曰開城
府

女真國



女真國在契丹之東北長白山之下鴨綠水之源古肅慎之地也其先有新羅人曰完顏氏者奔於其地遂世居焉因其地產金故以爲國號至阿骨打自稱帝國人皆以鹿皮魚皮爲衣其國有一種野人滕盼皆縛刀出入晝夜不解輕死重強毒如虎狼男子皆黥其面女真人與其爲婚者亦刺其口

暹羅國



暹羅國其國濱海風俗男子自幼割陽物嵌八寶以銜富貴不然則女家不妻也近有海客往暹羅次至一島上滿山悉是黑漆匙筋其處多大木客仰窺匙筋乃木之花與鬚也因拾百餘雙還用之肥不能染後偶取攪茶隨而消焉

匈奴



匈奴其種有五一種黃毛首乃山鬼與黃犝牛所生一種短項矮胖者乃獾狻與野豬所生一種黑髮白身者乃唐李靖兵遺種也一種名突厥其先乃射摩舍利海神女與金角白鹿交感而生一種乃塔巴赤罕之祖元朝秘史云蒼色狼與慘白鹿所生二十五世生帖木真是稱大蒙古都長僭號皇帝世居沙漠東北六千里後居山陰號鞑鞑地產羊馬無城池房舍隨水草所居俗尚射獵食羊馬野鹿衣皮革帖木真四世孫忽必烈僭居中國稱帝

占城國



占城國漢林邑也其屬郡有賓童龍賓陀陵化州安南三
舍城其國中歲用錢糧私役奴僕皆安南所貢故呼安南
爲奴國境上有馬援銅柱在海西南北抵安南南抵真臘
自廣州發船順風八日可達國人多姓翁地產名香犀象
地皆白沙可耕之地若民爲虎鱔所噬以狀詣王王命國
師持呪書符投民死所虎鱔自赴若有欺公之訟官不能
決者卽令過鱔潭負理者魚食之理直者魚避而勿敢食
也

盤
瓠



盤瓠者帝譽高辛氏宮中老婦有耳疾挑之有物如繭以瓠離盛之以盤覆之有頃化爲犬五色因名瓠犬時有犬戎之寇募能得其將吳將軍者妻以女瓠犬俄銜人頭詣闕下乃吳將軍之首也帝大喜欲報之事未知所宜女聞帝下令不可違信因請行帝不得已以女妻之瓠犬負女入南山石室中三年生六男六女其母復以狀白帝於是迎諸子言語侏儻帝賜以石山大澤其後滋蔓長沙武陵蠻是也

六趾國



交趾一名安南其人乃山狙獼犬之遺種其性奸狡剪髮
既足窄目昂喙極醜惡其狀類禰廣人稱爲夷鬼貌類人
者漢馬援兵之遺也國俗父子不同居共爨凡嫁娶不通
媒妁男女自相烏合以擯榔爲信然後歸家若妻與他人
相通即休其前夫令其別娶其國乃占城之屬郡其民爲
占城之役歲供租稅男子尚賊盜婦女好淫亂自漢中國
取之治爲郡縣立交州刺史後漢復叛馬援平之至五代
末節度使吳昌文始僭王號其後皆稱王歷代皆是異姓
篡奪

老撾國



老撾國在安南西北古越裳氏之國人性很戾但與人不能行其地出象產珍貝金銀凡咀嚼之物從口而食水漿之類鼻吸而飲

賓童龍國



賓童龍國隸占城占城選人作地主出則騎象或馬打紅
繖從者百人執盾贊唱曰亞或僕以菓盛飲食椰子酒與
米酒歲貢方物於占城佛書言王舍城即此地也今有目
連舍基存焉

真臘國



真臘國自廣州發船北風十日可到天氣無寒每嫁娶則男歸女舍生女至九歲即請僧誦經作梵法以手指挑損童身取其紅點額其母亦用點額喚爲利市如此則其女他日嫁人諧好歡洽凡女滿十歲即嫁若其婦與客合夫即喜自詫云我妻有姿色且巧慧故人所愛國人犯盜則斬手斷脚燒火印胸背點額犯罪至死則斬或削木椽其屍畚殺害唐人即依番法償死如唐人殺番即重罰金如無金則賣身取金贖北抵占城旁有西棚等國國中望天一隅有少痕古云女媧氏之所不至也

瓜哇國



瓜哇國在東南海島中即古闍婆也自泉州路發船一月
可到天無霜雪四時之氣常煥地產胡椒蘇木無城池兵
甲倉廩府庫每遇時節國王與其屬馳馬執鎗校武勝者
受賞親朋踴躍以爲喜傷死者其妻亦不顧而去飲食以
木葉盛手撮而食宴會則男女列坐笑喧盡醉凡草蟲之
類盡皆烹食市賈皆婦女婚娶多論財夫喪不出旬日而
適人

三佛齊國



三佛齊國在南海之中自廣州發舶取正南半月可到諸
番水道之要衝以木作柵爲城國人多姓蒲縛蒲浮水而
居其人刀箭不能傷以此霸於諸國舊傳其國地面忽然
穴出生牛數萬人取食之後用竹木空其穴乃絕產犀象
珠璣異寶香藥之類

佛囉安國



佛囉安國自三佛齊國風帆四晝夜可到其國亦可遵陸
有地主國有飛來銅神二個一個六臂一個四臂六月十
五日出生日如有外國欲來劫奪神廟珠玉至港口如遇大
風浪作船不可進止劫商船而去

回鶻



回鶻情元即回紇其先本匈奴凡十五種至隋曰韋紇臣于突厥突厥資其財力雄北荒大業中自稱回紇子曰菩薩突厥亡惟回紇最强菩薩死其首與諸部攻薛延陀殘之并有其地遣使若獻款中國嘗自以其警捷如鶻至唐德宗時立請易回紇爲回鶻煒元老回鶻之轉聲也其地本在哈刺和林即今之和寧路也

于闐國



三才圖會 卷十二 卷
于閩國婦人衫袴束帶與男子同死者以火化之收骨而
葬佛書云佛見鴈死於地以沙葬之後因之以作墳塚數
層胡稱曰鴈塔凡人死者其骨共葬一塔序其長幼而葬
居喪者剪髮長四寸後佛涅槃循其故事亦以沙爲塚其
徒守塚門而居故稱沙門僧稱沙門自此始中國好佛者
皆倣胡俗加以奇巧作七層飾以金彩以求福利

大食勿拔國



三才圖會

人物十二卷

六

大食勿拔國海邊天氣暖甚出乳香樹逐日用刀斫樹皮
取乳每年春末有一等飛禽自天而降如白絲鷄肥而味
佳有大魚高二丈餘長十丈餘人不敢食剗膏爲油筋骨
可作屋椽脊骨可作門扇骨節爲春臼又有龍涎成塊泊
岸人競取而貨賣

大食胡琶羅國



大食彌瑟羅國有州四座無國主唯土豪更互主事始婚
嫁取有犀牛尾爲信候牛生犢時始還親須要男家割人
尾來以爲聘禮女家還元割牛尾期信人尾即男子陽物
也女家得之甚喜以鼓樂迎之地產駱駝鶴長六七尺有
翼能飛食雜物或燒赤熱銅鉄與之食生卵如椰子破之
如甕有聲國人好獵日射獸而食

大竺國



天竺國隸大秦所立國王悉由大秦選擇地產良馬俗皆
編髮垂下兩鬚以帛纏頭衫袴鞋襪國內有聖水能止風
濤番商人等以琉璃瓶盛之若遇風濤洒之即止

沙彌茶國



沙弼茶國前後無人到唯古來有聖人狙葛尼魯到遂立
文字其國係太陽西沒之地至晚日沒聲若雷霆國王每
於城上聚千人吹角鳴鑼擊鼓混雜日聲不然則小兒驚
死

木蘭皮國



木蘭皮國大食國西有巨海國之西有國不可勝數大食
巨盤所可至者惟木蘭皮耳自陀盤地國發舟正西涉海
百日而至一舟容數百人中有酒食肆機杼之屬其國所
產麥一粒長三寸瓜圍四五尺榴一顆重五斤桃二斤菜
長三四尺穿井百丈方見泉胡羊高三四尺尾大如扇春
則剖腹取膏數十斤再絃而復能活

烏衣國



烏衣國其人衣黑衣太巾披至膝腕見漢人則背行不令
見見之卽殺謂既見吾面不令其生以草爲筵懸物于上
與人交易不相授受彼亦以物懸而易之如價不及則追
而殺之

女人國



女人國在東南海上水東流數年一泛蓮開長尺許桃核
長二尺昔有舶舟飄落其國群女携以歸無不死者有一
智者夜盜船得去遂傳其事女人遇南風裸形感風而生
又云有奚部小如者部抵界其國無男照井而生

大關婆國



三才圖會

人物十二卷

三五

大閩婆國在莆家龍風帆八日可到舊傳其國王孫雷震
石裂有一人出後立爲王其子孫尚存產青鹽綿羊鸚鵡
瑜珠寶貝等又言其國中有飛頭者其人目無瞳子其頭
能飛其俗所祠名曰蟲落因號落氏漢武帝時因憚國使
南方有解形之民能先使頭飛南海左手飛東海右手飛
西澤至暮頭還肩上兩手遇疾風飄於海水外

麻離拔國



麻離拔國自廣州發船乘北風四十日至地名藍里博買
蘇木白錫長白滕住至次年冬再乘北風六十日方至其
國產異香龍涎珍珠玻璃犀角象牙珊瑚木香沒藥血竭
阿魏蘇合香沒石子等貨皆大食國至此博易官豪以金
線桃花帛纏頭以金銀爲錢交易

狗國



狗國人身狗首長毛不衣語若犬嗥其妻皆人能漢語衣貂鼠皮穴居食生妻女食熟自相嫁娶昔有中國人至其國妻使逃歸與筋十餘隻教其每走十餘里遺一筋狗見其家物必銜歸其人乃脫則追不及矣至應天府行二年二箇月

孝臆國



三才圖會

人物十一卷

天

孝臆國周三千餘里在平州中以木爲柵周十餘里柵內
百姓二千餘家周國大柵五百餘所氣候常暖冬不凋落
宜羊馬無駝牛俗性質直好客旅軀貌長大褰鼻黃髮綠
眼赤髭被髮面如血色戰具唯稍一色宜五穀出金鐵衣
麻布

東印度國




東印度國係西番人性強獷好殺伐以戰死爲吉利以善
終爲不祥至應天府馬行五個月

大食國



大食國在海西南一千里居山谷間有樹枝上花生如人
首不解語人借問惟笑而已頰笑輒凋落大食諸國之總
名有國千餘其屬有麻離拔白達吉慈尼眉路骨勿斯離
餘未及知

訶陵國



訥陵國在真臘國南。監木爲城。造大屋。重閣。以沒皮。蓋。象
牙爲床。柳花爲酒。以手撮食。有毒。常人同宿。卽生瘡。與女
人交。合則必死。涎液着草木卽枯。

默伽國



默伽國古係荒郊無人烟因大食國祖師蒲羅叫自幼有
異狀長取妻在荒野生一男子無水可洗棄之地下毋走
尋水不見及回其子以脚擦地湧出一泉甚清徹此子立
名司麻烟砌成大井逢旱不乾泛海遇風波以此水洒之
止者

晏陀蠻國



晏陀蠻國自蘭無里國順風而去其國周圍七千里人身
如黑漆號山蠻能食生人船人不敢近岸地無鐵唯磨蚌
壳爲刃其國有一聖跡用渾金作床承一死人經代不朽
常有巨蛇衛護其蛇毛長二尺人不敢近有一井一年兩
次水溢流入海所過沙石經浸盡成金

勿斯里國



勿斯里國國屬白達節制人有七八十歲不見雨者止有天江不知其源水極甘溢則四十日浸田水退而耕二年必有一白髮古人從江水出坐于石上國人拜問吉凶其人不語若笑則年豐悲則饑疫良久復入水古有狙葛尼建廟頂上有鏡如他國盜兵來者先照見之

大食勿斯離



大食勿斯離國秋露降日暴之卽成糖霜食之清涼甘美
山有天生樹果子名蒲蘆可採食次年復生名麻茶澤三
年再生名没石子產麥桃榴等物與木蘭皮國同收米麥
開地窖之數十年不壞

南尼華羅國



南尼華羅國有三重城人好佛教尊牛屋壁皆塗牛糞以爲潔各家置壇以牛糞塗置花木藝香供佛路通西域常有輕騎來劫閉門拒之數日絕糧而退番商到彼不得入屋只在門外坐

馬者國



焉耆國元日二月八日婆摩遮三日野祀四月十五日遊
林五月五日彌勒下生七月七日祀先祖九月九日床撒
十月十日王爲厭法王出首領家首領騎王馬一日一夜
處分王事十月十四日作樂至歲窮拔汗那十二月及元
日王及首領分爲兩朋各出一人着甲衆人執瓦石棒杖
東西互擊甲人先死卽止以占當年豐穡